

محراب

افہرقتی ، اجتماعی ، فلسفی ، تاریخی ، ادبی مجموعہ در
شیمدیلک اون بش کوندہ نشر اولونور

مندرجات :

- « اسلام ، تہدوار مونته » م ، شکیبہ ۱۹۴
« سید بطل غازی ودیژدنیس آقریتاس داستانلری » جامی ۱۹۷
« عبدالحق حامد بکک غیر منتشر مکتوبلری » ضیل خالہ ۱۹۷
« اسپور » زہنت ۱۹۷
« شیخ سہروردی وسیمیا کرلک » یوسف ضیا ۱۹۷
« حی بن یقطان ، ابن طفیل » رشید ۱۹۷
« سراب : قدریہ حسین — شرق : ملیحہ نوری — رفاقت : رفیق ملول — گوی مکتوبلرندن اوراچی : محمد صدق — خاطرہ کر : شرف کاظم — طوطا سفر : حلمی ضیا .
« کتابیات : مطالب ومذہب ، برغسون وقونفرانسلری ، ملیت نظریہلری وملی حیات ، دینی حیات
درسلا اوچنچی کتاب ، موضع علم کلام درسلری .

کتابیات

صوك كونلرده تالیف و ترجمه نشریاتی ، شیمدی به قدر تاریخمزمده مثلی کوروئمه یی
بر سرعت و وسعتله ، تزايد ایتمکده در . بر طرفدن معارف و کالتی دیگر طرفدن شرعی و کالتی
یکدیگریله مسابقه ایدرجه سنه آثار علمی و فلسفیه نشر و ترقیات علمی و مزایچون شایان
شکران فدا کارلقلر اختیار ایدیورلر .

حقیقی تکامل مزایچون کینجلیک کینجلیکده درین بوشلقلری دولدورمغه معطوف
اولان بوقیمتدار امکله - کال شکران ایله کوریورز - سیل الرشاد ، یکی کتبخانه ،
اوغلام کتبخانه سی کی خصوصی مؤسسه لرده اعظمی یاردیم ایتمکده ، تاریخی ، فلسفی
هنی ، دینی مختلف اثرلر وجوده کتیرمکده درلر .

بونلردن ماعدا برده بالذات مؤلفلر طرفدن نشر ایدیلن بعض اثرلر کوروئمکده در .
بو نشریات هیئت مجموعی ایله بزه استقبال علمیمز ایچون امنیتبخش امیدلر ویریور .
آثار علمی نشریاتنک کیمت اعتباریله کوستردیکی بو ترقینک یانی باشنده بالخاصه بو آثارک
برده کیفیت و قیمت اعتباریله عرض ایتدیکي تجدد و ترقی کوروئمکده در که بزی بوقیمتلی
آثاری برقاجی اوزرنده توقفه مجبور ایتدی :

مطالب و مذاهب برغسون و قونفرانساری ملیت نظریه لری

کچنلرده محمد امین بک « فلسفه نشریاتنده بر ترقی خطومه سی » نامی آلتنده نشر ایتدیکي مقاله ده
مدرسه سلیمانیه منطق مدرس سابقی حمدی افندینک « مطالب و مذاهب » نامنده کی تاریخ فلسفه
ترجمه سی ایله دارالفنون روحیات معلمی شکیب بک برغسون و قدرت روحیه یه دائر برقاج قونفرانسک
ترجمه سی وبالخاصه بونلرک مقدمه لرنده کی قدرت و نفوذ فلسفی حقنده چوق حقی اولارق ایلان
ستایشله بحث ایتشدی بوباده دارالفنون ادبیات مدرسه سی مجموعه سی صوك نسخه سنده حمدی افندینک
مذکور اثرینه بر مقاله تخصیص ایتدیکي کی مجموعه مزک ۳ نومرولی نسخه سنده شکیب بک اثرینه ده
بر مقاله تخصیص ایتشدر . عین صورتله اک قیمتدار آثار فلسفیه دن بری اولان دارالفنون اخلاق
معلمی عزت بک ملیت نظریه لری نامنده کی اثرینه شکیب بک ملی مجموعه ده بر مقاله تخصیص ایتشدر .
بو مقاله ل مذکور اثرلر حقنده بر فکر ویرمه کافیدر شوقدر سوبله لم که حمدی افندی مطالب و مذاهب
نامنده کی اثری یالکیز ترجمه ایله قالماش مسائل فلسفیه یی صادقانه ترجمه ایتکله برابر اولنلری اسلام
فلسوفلرینک تلقیاتیه قارشیلانلر اراق مقایسه ایتش ، معلومات فتهیه سندن اعظمی استفاده ایدرک
برچوق تنقیدات سردایتش وبالخاصه کندینه خاص افکارینی افاده ایتک اوزره حقیقه بداعی بر مقدمه
یازمشدر . شکیت بک ایسه کرک قونفرانس لریک ترجمه سنده و کرک برغسونک فلسفه سی حقنده کی

مطالعاته تخصیص ابتدیی مقدمه‌ده کندینه مخصوص سلاست و مهارت ، وقارئلرینی ممنون ایده‌جک برسهولته اسلوبی اداره ایتشدرد . اک مغلق ودرین بحثلری واضحاافاده ایتکده کوستردیکی بومهارت بوکوته قدر فلسفه نشریاتنده کورولمش موفقیتلردن دکلدرد .

عزت بکک اثرینه کلنجه‌بو، بوسبتون باشقه برشی‌دراری تمامیه آکلامق فلسفه واجتماعیات ایله اوزون مدت اشتغاله متوقف . تعبیرات واصطلاحاتی یرلی یرنده قوللانمق ایچون اصلا مسامحه کپسترله‌مش غرب فلسفه واجتماعیات سیستملرینی اساسندن قاوورایارق ینه او سیستملر دائره‌سندده غرب فیلسوفلرینی تنقید وفکرلرینی مقایسه ایتک قدرتی اثرده وصف ممیزی تشکیل ایدرد . بزده غرب فیلسوفلرینی تقلیدایله مستقل دوشونمه‌یه بیکانه‌قالان، مسائل اجتماعی و فلسفه‌یی خصوصی فکرلره کوره سوق وایضاح ایدن قلملره بواثرده اصول دائره‌سندده تعریضلر ایداش وبزده‌ایلک دفعه اولارق شخصی دوشونجه وحا‌که‌لره یکی فکرلر ایلری سورولشدرد .

بواثرلردن ماعدا دینی تدریساتده اساسلی برانقلابک ، بشری اولان ایکی اثرمههم نظردقتی جالبدرد

دینی درملر اویجه‌یی کتآب ، موضع علم کلام درملری

بوایکی کتآب شیمدی‌یه قدر یازیلان مغلق ومشکل کتآبلرک تمامیه ضدینه اولان آچیق وسلیس برلسانله یازلمش وهرکسک استفاده‌سنی تأمین ایتشدرد . بونلرده اسلامیتک عصری فکرلره مقارنتی کوسترلمش دین اسلامک احکامیه ادیان سائره‌نک احکامی آره‌سندده مقایسه‌لر یاپیلامشدرد . برنجی کتآبک مؤافی آقسکیلی احمدحدی افندی حس دینی‌یی فردی روحیات نقطه نظرندن تدقیقه عینی مؤسسه‌نک اجتماعی روحیات نقطه نظرندن تدقیقی قارشیلادیرارق اسلامیتک اک یوکسک واحتیاجات مدنیه وعصریه‌یی تأمین ایدن یکانه‌دین اولدیغنی کوسترلمش واسلامیت ایله مدنیت آراسنده کی مناسبتی اساسلی صورتده ارا‌نه ایتشدرد . ایکنجی کتآبک مؤافی عمر نصوحی افندی زمانمزده موضوع مناقشه اولان اجتماعی، تاریخی برطاقم مسائل مهمه‌حقنده سرد مطالعات ایتمش تحری‌حقیقنده بولنان کنج فکرلری تنویره، جمعیت بشریه‌نک احتیاجات زوحیه‌سنی تطمین خدمت ایده‌جک برطرزده واضح معلومات ویرمشدرد . اثرلرک هرایکی‌سنکده مسائل فکریه‌یی آوروپا فلسفه‌لرینی مناقشه ایده‌رک یازلمش اولدیغنی کوریلیدور. قولایجه آکلاشیله‌بیله‌جک وقولایلقاه بلله‌نه‌بیله‌جک غایت عملی براصول دائره‌سندده یازیلان بواثرلر بوموضوع اطرافنده بوسورتله ایلک اولارق یازیلان اثرلر اولدیغنی تقدیر وشکران قید ایدرز .